



МОНГОЛ УЛСЫН ИХ ХУРЛЫН ГИШҮҮНИЙ
АСУУЛТ

14201 Улаанбаатар хот, Сүхбаатар дүүрэг
Жанжин Д.Сүхбаатарын талбай 1, Төрийн ордон
Утас: 26-70-16, Факс: 32-70-16
E-mail: stategreathural@parliament.mn
http://www.parliament.mn

2026.03.10 № 14

МОНГОЛ УЛСЫН ЗАСГИЙН
ГАЗРЫН ГИШҮҮН,
БОЛОВСРОЛЫН САЙД
П.НАРАНБАЯР ТАНАА

Боловсролын зээлийн сангийн
үйл ажиллагааны талаар

Монгол Улсын Их Хурлын Боловсрол соёл, шинжлэх ухаан, спортын байнгын хорооны “Засгийн газарт чиглэл өгөх тухай” 2025 оны 3 дугаар сарын 03-ны өдрийн 3 дугаар тогтоол, Хүний хөгжил, нийгмийн бодлогын байнгын хорооны “Засгийн газарт чиглэл өгөх тухай” 2025 оны 7 дугаар сарын 28-ны өдрийн 10 дугаар тогтоолын хэрэгжилтэд хяналт тавих хүрээнд Монгол Улсын Их Хурлын тухай хуулийн 8 дугаар зүйлийн 8.1.13, 37 дугаар зүйлийн 37.1.1 дэх заалт, Монгол Улсын Их Хурлын хяналт шалгалтын тухай хуулийн 11 дүгээр зүйлийн 11.1 дэх хэсгийг үндэслэн Танд дараах асуултыг тавьж байна.

Боловсролын зээлийн сангийн зээл, тэтгэлгээр гадаад болон дотоодын дээд боловсролын сургалтын байгууллагад суралцсан суралцагчдын гэрээг дүгнэсэн эсэх, гэрээний үүрэг биелүүлээгүй асуудлыг шийдвэрлэж, алдаа зөрчлийг арилгасан талаарх хяналт, шалгалтын мэдээллийг дараах асуудал тус бүрээр:

1.Ерөнхий сайдын нэрэмжит буюу Засгийн газрын тэтгэлэгт хөтөлбөрөөр 2022–2026 онд гадаадын дээд боловсролын сургалтын байгууллагад сурсан, суралцаж буй суралцагчдын гэрээний хэрэгжилт, төгсөгчдийн хөдөлмөр эрхлэлтийн судалгаа, гэрээний үүргээ биелүүлээгүй суралцагчдын тоо, олгосон санхүүжилтийн нийт дүн, хийсэн хяналт, шалгалтын талаар;

2.Засгийн газар хоорондын гэрээ, хэлэлцээрээр 2010–2026 онд гадаадын дээд боловсролын сургалтын байгууллагад сурсан, суралцаж буй суралцагчдын гэрээний хэрэгжилт, төгсөгчдийн хөдөлмөр эрхлэлтийн судалгаа, гэрээний үүргээ биелүүлээгүй суралцагчдын тоо, олгосон санхүүжилтийн нийт дүн, хийсэн хяналт, шалгалтын талаар;

3.Боловсролын зээлийн сангийн санхүүжилтээр 1997 – 2026 онд гадаадын дээд боловсролын сургалтын байгууллагад сурсан, суралцаж буй суралцагчдын гэрээний хэрэгжилт, төгсөгчдийн хөдөлмөр эрхлэлтийн судалгаа, гэрээний үүргээ биелүүлээгүй суралцагчдын тоо, олгосон санхүүжилтийн нийт дүн, хийсэн хяналт, шалгалтын талаар;

4.Багш, сувилагч мэргэжлээр 2021–2026 онд дотоодын дээд боловсролын сургалтын байгууллагад тэтгэлгээр сурсан, суралцаж буй суралцагчдын гэрээний хэрэгжилт, төгсөгчдийн хөдөлмөр эрхлэлтийн судалгаа, гэрээний үүргээ биелүүлээгүй суралцагчдын тоо, олгосон санхүүжилтийн нийт дүн, хийсэн хяналт, шалгалтын талаар;

5.Гадаадын болон дотоодын дээд боловсролын сургалтын байгууллагад зээл, тэтгэлгээр суралцагчдад олгосон улсын төсвийн хөрөнгийн үр ашгийг тооцсон эсэх, гэрээний үүргээ биелүүлээгүйн улмаас үүссэн алдаа зөрчлийг арилгах чиглэлд хийсэн

2026000040

ажлын үр дүн, зээлийн эргэн төлөлтийн түвшин, цаашид авч хэрэгжүүлэх арга хэмжээний талаар;

6.Боловсролын зээлийн сангийн зээлээр гадаадын болон дотоодын дээд боловсролын сургалтын байгууллагад суралцсан иргэдийн зээл, зээлийн хүү, зээлийн эргэн төлөлтийн хуваарийг Монголбанкны Зээлийн мэдээллийн санд бүрэн нийлүүлсэн эсэх дэлгэрэнгүй мэдээлэл, тайлбар;

Боловсролын зээлийн сангийн үйл ажиллагаанд хийсэн хяналт шалгалтуудаар өгсөн төлбөрийн акт, албан шаардлагыг биелэлт, өгсөн үүрэг, даалгаврын талаарх мэдээллийг дараах асуудал тус бүрээр:

1.Засгийн газрын хуралдааны 2025 оны 5 дугаар сарын 07-ны өдрийн 22 дугаартай “Боловсролын зээлийн сангийн үйл ажиллагааны талаар авах арга хэмжээний тухай” тэмдэглэлээр өгсөн үүргийн хэрэгжилтийн талаарх дэлгэрэнгүй мэдээлэл, тайлбар;

2.Боловсролын зээлийн сангийн үйл ажиллагаанд хийсэн жил бүрийн буюу 2020-2025 оны аудитын тайлан, 2017-2024 оны үйл ажиллагаанд 2025 оны 5-8 дугаар сарын хооронд хийсэн нийцлийн болон гүйцэтгэлийн аудитын тайлангуудад туссан төлбөрийн акт, албан шаардлагын хэрэгжилтийн талаарх дэлгэрэнгүй мэдээлэл, тайлбар;

3.Боловсролын зээлийн сангийн үйл ажиллагааг цахимжуулах талаар төсөвт тусгасан эсэх, энэ талаар авч хэрэгжүүлсэн арга хэмжээний талаар;

5.Алсын хараа 2050, Засгийн газрын 2024-2028 оны мөрийн хөтөлбөрт Боловсролын хөгжлийн сан бий болгох, мөн Боловсролын зээлийн сангийн статусыг тодорхой болгохоор авч хэрэгжүүлсэн арга хэмжээний талаар;

6.Монгол Улсын 2025 оны Төсвийн тухай хуулиар Боловсролын зээлийн сангийн нийт 158.4 тэрбум төгрөгийн батлагдсан төсвөөс 33.6 тэрбум төгрөгийг зээлийн эргэн төлөлт болон бусад эх үүсвэрээс бүрдүүлэхээр төлөвлөсөн төлөвлөгөөний хэрэгжилт, бодит гүйцэтгэл, бүрдүүлсэн эх үүсвэрийн бүтэц, үр дүнгийн талаарх мэдээлэл;

7.Монгол Улсын 2026 оны Төсвийн тухай хуулиар Боловсролын зээлийн сангийн нийт 278.8 тэрбум төгрөгийн батлагдсан төсвөөс 145.6 тэрбум төгрөгийг зээлийн эргэн төлөлт болон бусад эх үүсвэрээс бүрдүүлэхээр төлөвлөсөнтэй холбогдуулан, төлөвлөгөөг хэрэгжүүлэх чиглэлээр авч хэрэгжүүлж буй арга хэмжээ, төлөвлөсөн ажлын явц болон хүлээгдэж буй үр дүнгийн талаарх мэдээлэл;

Энэхүү асуултын хариуг Монгол Улсын Их Хурлын хяналт шалгалтын тухай хуулийн 11 дүгээр зүйлийн 11.2 дахь хэсэгт заасан хугацаан ирүүлэхийг хүсье.

Хүндэтгэсэн,

УЛСЫН ИХ ХУРЛЫН
ГИШҮҮН



О.БАТНАЙРАМДАЛ

2026007040